

12

~ 16
4035
19



ASIA
P. 82

ASIA

Handwritten text in vertical columns, likely bleed-through from the reverse side of the page. The text is faint and difficult to read.

Vertical text on the right side of the page, possibly bleed-through or a separate column of text.

Vertical text on the right side of the page, possibly bleed-through or a separate column of text.

物研圖書
No. 29 124
29. 9. 9
教授

八16
4035
19

< 99-135 >



唐韓昌黎外集卷第六

明橋李蔣之翹輯注

順宗實錄卷第一


起藩邸盡貞元二十一年二月

按實錄李漢序謂公有注論語十卷傳學者順宗實錄又卷列於史書不在集中方本從之似未為失然其為害已足當時而言之似未為失然其為害已足使筆解之逸無復真本實錄竄易不成全書是則皆李漢之為也方氏不察而從其說既已誤矣況今去公之時又益以遠比之當日事體又大不同故其片文隻字各為公之作而決可知其非偽者皆當收捨使無失墜乃為真能好公之文者耳為特詳加校定存之外集庶幾見筆削之太旨云○舊史公傳云時

唐韓昌黎外集卷第六

一

謂愈有_レ史筆及_レ撰_レ順宗實錄繁簡不當
 叙事拙於取捨頗為當代所非穆宗文
 宗嘗詔史臣添_レ改時愈增李漢蔣係在
 顯位諸公難_レ之而韋處厚別撰_レ順宗實
 錄三卷且_レ公進實錄表狀所云乃監修
 李吉甫以_レ韋處厚所撰未_レ周悉令_レ臣重
 修而舊傳反_レ謂所撰不當處厚別撰_レ三
 卷誤矣新史又云自韓愈為_レ順宗實錄
 議者闕然不息卒_レ竄定無_レ全篇按_レ路隋
 傳文宗嗣_レ位隋以_レ宰相監修國史初_レ韓
 愈撰_レ順宗實錄書禁中事太_レ切直宦寺
 不_レ喜_レ豈_レ其_レ非_レ實_レ帝詔隋刑正_レ隋建_レ言_レ衛
 尉卿周君巢諫議大夫王彥威給事中
 李固言史官蘇景喬皆言_レ改_レ修_レ非_レ是_レ夫
 史冊者褒貶所在_レ匹夫善惡尚_レ不可_レ誣
 况_レ人君乎議者至_レ引_レ雋不_レ疑_レ第五倫為
 此_レ以_レ蔽_レ聰明_レ臣宗閔_レ臣僧孺謂_レ史官李
 漢蔣係皆愈_レ之_レ境_レ不可_レ參_レ撰_レ俾_レ臣得_レ下_レ



筆_レ臣謂_レ不然且愈所書已_レ非_レ自_レ出_レ元和
 以來相循_レ建_レ今_レ雖_レ漢等以_レ嫌_レ無_レ害_レ公議
 請_レ條_レ示_レ甚_レ謬_レ誤者付_レ史官_レ定_レ有_レ詔_レ摘
 貞元永貞間_レ數事為_レ失_レ實_レ餘_レ不_レ復_レ改_レ漢
 等亦_レ不_レ罷_レ由_レ是_レ觀_レ之_レ則_レ公於_レ元和十年
 夏進_レ此_レ實錄後_レ纔_レ一_レ刊_レ正_レ是_レ文宗朝_レ所
 特_レ改_レ者_レ貞元永貞間_レ數事_レ取_レ舊_レ史_レ以_レ為
 韋處厚別撰_レ者_レ固_レ非_レ而_レ新史_レ又_レ謂_レ卒_レ竄
 定_レ無_レ全_レ篇_レ者_レ亦_レ非_レ也_レ司馬溫公_レ攷_レ異_レ云
 景祐中_レ編_レ次_レ崇_レ文_レ總_レ目_レ順_レ宗_レ皇_レ帝_レ實_レ錄
 有_レ七_レ本_レ皆_レ區_レ卷_レ題_レ云_レ韓_レ愈_レ等_レ撰_レ云_レ本_レ略
 而_レ二_レ本_レ詳_レ編_レ次_レ者_レ兩_レ存_レ之_レ其中_レ多_レ異_レ同
 然_レ則_レ是_レ非_レ取_レ捨_レ後_レ世_レ安_レ所_レ折_レ衷_レ耶_レ終_レ之
 唯_レ公_レ之_レ信_レ而已_レ此_レ新_レ史_レ所以_レ采_レ撫_レ無_レ遺
 且_レ以_レ公_レ為_レ知_レ言_レ也_レ歟_レ○李_レ性_レ學_レ曰_レ歐_レ陽
 永叔_レ文_レ學_レ韓_レ退_レ之_レ准_レ又_レ代_レ史_レ過_レ順_レ宗_レ實
 錄_レ遠_レ甚_レ所_レ謂_レ青_レ出_レ於_レ藍_レ也_レ楊_レ慎_レ曰_レ蘇_レ老
 泉_レ云_レ唐_レ三_レ百_レ年_レ文_レ章_レ非_レ兩_レ漢_レ無_レ敵_レ史_レ才

定有如其丘明遷固而卒無一人可與陳壽范曄比肩其論當矣蓋雖韓退之順宗實錄亦在所不取也

史臣韓愈撰或無此

順宗至德大聖大安孝皇帝德下史有諱弘道二字諱誦

德宗長子母曰昭德皇后王氏上元二年正月

月十一日生正月戊戌生於長安之東內大曆十四年封

為宣王建中元年立為皇太子史順宗始封

曆十四年六月進封宣王十一月乙卯立為皇太子慈孝寬大仁而善

斷畱心藝學亦微信尚浮屠法禮重師傅引

見輒先拜善隸書德宗之為詩并他文賜大

臣者率皆令上書之德宗之幸奉天倉卒間

上常親執弓矢率軍後先導衛備嘗辛苦倉

作蒼○建中四年十月涇原節度使姚令言

反犯京師上乃與王貴妃韋淑妃太子諸王

唐安公主自苑北門出有寶文場霍仙鳴者

嘗事上於東宮至是帥宦官左右僅百人

從使普王諲前驅太子執上之為太子於父

兵以殿自咸陽幸奉天縣子聞慈孝交洽無嫌每以天下為憂德宗在

位久稍不假宰相權而左右得因緣用事外

則裴延齡李齊運韋渠牟等以姦佞相次進

用延齡尤狡險判度支貞元九年五月以裴延齡為戶部侍郎判

度支務刻剝聚斂以自為功天下皆怨怒上每

進見候顏色輒言其不可至陸贄張滂李充

等以毀譴朝臣懷懼懷所諫議大夫陽城等

伏閣極論德宗怒甚將加城等罪內外無敢

救者上獨開解之城等賴以免德宗卒不相

延齡渠牟上有九焉史云裴延齡韋渠牟用

每候顏色陳其不可貞元二十一年癸巳德

宗崩景申上即位太極殿景申丙申也餘倣此大

前殿冊曰維貞元二十一年歲次乙酉

正月辛未朔二十三日癸巳皇帝若曰於戲

天下之大實惟重器祖宗之業允屬元良咨

爾皇太子誦虜哲溫恭寬仁慈惠文武之道

秉自生知孝友之誠發於天性自膺上嗣毓

德春闈恪慎于厥躬祇勤于大訓必能誕敷

至化安勸庶邦朕寢疾彌留弗與弗寤是用

命爾繼統俾紹前烈定陟元后永綏兆人其

令中書侍郎平章事高郢奉冊即皇帝位爾

韋昌黎集十卷六 四

惟奉若天道以康四海懋建皇極以熙庶功

無忝我高祖太宗之休命倉粹名翰林學士鄭綱衛次公等至

金鑾殿草遺詔官或曰禁中議所立尚未定厥莫敢對次公遽言曰太子雖有疾地屈

冢嗣中外屬心必不得已猶應立廣陵王細等從而相之議始定○按范氏謂德宗將沒

不能屬宰相以社稷故太子既立二十餘年而宦者猶有他議衛次公特以草詔得至禁

中遂阻其謀不然上自二十年九月得風疾幾為趙高之事矣

因不能言使四面求醫藥天下皆聞知德宗

憂感形于顏色數自臨視二十一年正月朔

含元殿受朝朔上史有辛未二字元或作光

○含元殿東內丹鳳門正殿也

即龍首山之東麓皆基高正地四十餘尺左右有砌道盤上謂之龍尾道龍朔二年建

還至別殿諸王親屬進賀獨皇太子疾不能

朝德宗為之涕泣悲傷歎息因感疾恍惚日

益甚二十餘日中外不通兩宮安否朝臣咸

憂懼莫知所為雖翰林內臣亦無知者合元殿至

日益甚四十一字舊史云德宗不豫諸王親戚皆侍醫藥獨上臥病不能侍德宗彌留思

見太子子涕咽久之二十三日上下知內外憂疑紫衣麻

鞋不俟正冠出九仙門名見諸軍使京師稍

安按祕喪則不應麻鞋發喪則不應紫衣蓋當時倉卒偶着此服非祕喪也以未成服

故不衣縷經耳九仙門在內西苑之東北角
右神策軍右羽林軍右龍武軍列營於九仙
門之西又大明宮圖宮城城西二十四日宣遺
面右銀臺門北為九仙門

詔上縷服見百寮二十六日即位甲午宣遺

殿太子縷服見百官丙申即皇帝位於太極
殿衛士尚疑之企足引領而望之日真太子

也乃喜上學書於王伾頗有寵王叔文以基

進俱待詔翰林數侍太子基伾下或有複出

翰林學士王伾善書山陰王叔文善書叔文

俱出入東宮娛侍太子伾杭州人也詭譎多計

民間上在東宮嘗與諸侍讀并叔文論政至

官市事

太宗時晉王府有侍讀及為太子亦

經上曰寡人方欲極言之勿皆稱贊獨叔文

無言既退上獨留叔文謂曰向者君奚獨無

言豈有意邪叔文曰叔文蒙幸太子有所見

敢不以聞太子職當待膳門安不室言外事

禮記文王之為世子朝於王季日雞初鳴

而衣服至於寢門外問內監之御者日今日

安否何如如內監曰安文王乃喜及日中又至

亦如之及莫又至亦如之其有不安節則內

監以告文王文王色憂行不能正履王季復

膳然後亦復初食上必在視寒煖之節食下

問所膳命膳宰日未有廢應日諾然後退陛下在位久如疑太子

收人心何以自解叔文之言亦是非所上大驚

因泣曰非先生寡人無以知此遂大愛幸與

王伾兩人相依附俱出入東宮聞德宗太漸

上疾不能言任即入以詔名叔文入坐翰林

中使決事詔下或無名字文下或無使字任以叔文

意入言於宦者李忠言稱詔行下外初無知

者以檢校司空平章事杜佑攝冢宰兼山陵

使中丞武元衡為副使宗正卿李紱為按行

山陵地使刑部侍郎鄭雲逵為鹵簿使或無

兼字紆或作又命中書侍郎平章事高郢撰

哀冊文禮部侍郎權德輿撰謚冊文太常卿

許孟容撰議文庚子百寮請聽政曰自漢

以來喪期之數以日易月而皆三日而聽政

以來或作已來我國家列聖亦克脩奉因或有違況

大行皇帝酌於故實重下遺詔今日至期而

陛下未親政事羣臣不敢安寔存大孝以

萬國天下之幸不許是月昇泗州為上州

二月辛丑朔中書侍郎平章事臣郢門下侍

郎平章事臣珣瑜檢校司空平章事臣佑奉

疏曰大行皇帝漢書音義大行者不在之稱天子崩未有謚號故稱大行

知陛下仁孝慮陛下悲哀不即人心聽政事

故發遺詔令一行漢氏之制今陛下安得守

曾閔匹夫之小行忘皇王繼親之大孝以腐

臣子承順之義曾閔曾參子騫也猶不許壬寅

臣又上言曰陛下以聖德至孝繼受寶命定

奉先帝約束以時聽斷不可以久從之癸卯朝百寮于紫宸門紫宸門紫宸殿門也長安志宜政殿北曰紫宸

門門內有紫宸殿即內衙之正殿杜佑前跪進曰陛下居憂

過禮羣臣懼焉願一覩聖顏因再拜而起左

右乃為皇帝舉帽百寮皆再拜佑復奏曰陛

下至性殊常哀毀之甚臣等不勝惶灼伏望

為宗廟社稷割哀強食景午罷翰林陰陽

星卜醫相覆碁諸待詔三十二人或作四初王

叔文以碁待詔既用事惡其與已儕類相亂

罷之已酉易定節度使張茂昭可同中書

門下平章事餘如故易定節度使通鑑作加義武節度使而下無可

字舊史可作兼或無使字河北節度自至德已來不常朝

觀前年冬茂昭來朝未還故寵之辛亥詔

吏部侍郎韋執誼守左丞同中書門下平章

事賜紫辛亥舊史作辛卯侍郎作郎中左丞作尚書右丞新史通鑑則與此同

初執誼為翰林學士知叔文幸於東宮傾心

附之叔文亦欲自廣朋黨密與交好至是遂

特用為相乙卯太常奏禮云喪三年不祭

惟祭天地社稷周禮圍鍾之均六變天神皆

降林鍾之均八變地示成出鄭注圍鍾即來鍾也屬卯正東

之律致天神以午為宮則帝所出之方也自

子至巳為陽數自午至亥為陰數陽數至少

陰之中而止陰數至少陽之寅而止圍鍾屬

卯自卯至申其數六故圍鍾之變極於六也

而鍾屬未西南方之律也致地示以寅之宮

則以致養之五也以太鍾屬未自未至寅其

數入故百鍾之變極於八也

不廢天地之祭不敢以甲廢

尊也樂者所以降神也不以樂則祭不成今

遵遺詔行易月之制請制內遇祭輟樂終制

用樂從之又奏禮三年祭宗廟今請竣社廟

畢復常從之辛酉貶京兆尹李實為通州

長史通州漢宕渠縣地後漢分置宜漢縣詔曰實素以宗屬累

韋昌黎集卷之六

更任使驟升班列遂極寵榮而政垂惠和務
 在苛厲諺下或有詞一道字曰比年早歉先
 聖憂人特詔通租悉皆蠲免而實敢肆誣罔
 復令徵剝頗紊朝廷之法實惟聚斂之臣或
 作自國哀已來增毒彌甚無辜斃路深所與
 嗟朕嗣守洪業敷弘理道寧容蠹政以害齊
 人安加貶黜用申邦憲尚從優貸俾佐遠藩
 實論事李齊運驟遷至京兆尹恃寵強悞不
 顧文法文或是時春夏旱京畿乏食實一不

以介意方務聚斂徵求以給進奉每奏對輒
 曰今年雖旱而穀甚好由是租稅皆不免人
 窮至壞屋賣瓦木貸麥苗以應官或無優人
 成輔端為謠嘲之實聞之奏輔端誹謗朝政
 杖殺之實遇侍御史王播於道故事尹與御
 史相遇尹下道避實不肯避導騎如故播詰
 讓導騎者實怒遂奏播為三原令廷訴之原
 作泉非是陵轍公卿以下隨喜怒誣奏遷黜朝廷
 畏忌之陵或嘗有詔免畿內通租實不行用

詔書徵之如初勇於殺害人吏不聊生至譴

市里謹呼皆袖瓦礫遮道伺之實由閒道獲

免書李實事詳密壬戌戊舊史制殿中丞

皇太子侍書翰林待詔王伾可守左常侍依

前翰林待詔書或作讀今按前二云上學書於

此當从史作侍書為是依前翰蘇州司功王

叔文可起居舍人翰林學士又以司勳員外

郎翰林學士知制誥鄭綱為中書舍人學士

如故又以給事中馮伉為兵部侍郎以兵部

員外郎史館修撰歸登為給事中修撰如故

登伉皆上在東宮時侍讀以師傳恩拜

唐韓昌黎外集卷第六終

唐韓昌黎外集卷第七

明樵李蔣之翹輯注

順宗實錄卷第二

起二月盡三月

二月甲子上御丹鳳門大赦天下

東內大明宮南面

門正南曰丹鳳門至德二年載為明鳳門尋復舊名

自貞元二十一年

二月二十四日昧爽已前大辟已下罪無輕重常赦所不原者咸赦原之諸色人中有才行兼茂明於理體者經術精深可為師法者達於吏理可使從政者宜委常參官各舉所

知其在外者長吏精加訪擇具名聞奏仍優
 禮發遣舊事宮中有要市外物冷官吏主之
 與人為市隨給其直外物下或貞元末以官
 者為使抑買人物稍不如本估末年不復行
 文書置白望數百人於兩市白望者言使人
取其物不坊還本價也兩市長安城中左右
西市也隋名東市曰都會西市曰利人
按後漢襄楷上書曰天宮宦者四星不在紫
宮而在天市明當給使主市里也其言若為
唐主并要開坊闕人所賣物但稱宮市即歛
 手付與真偽不復可辨無敢問所從來其論

價之高下者率用百錢物買人直數千錢物

其論疑當仍索進奉門戶并脚價錢

作與論仍索進奉門戶并脚價錢進奉門

奉所經由門戶皆有費用如漢靈帝時所謂

導行費也脚價謂僦人負荷奉物入內有雇

脚之將物詣市至有容手而歸者名為宮市

而實奪之嘗有農夫以驢負柴至城賣遇官

者稱宮市取之纜與絹數尺又就索門戶仍

邀以驢送至內農夫涕泣以所得絹付之不

肯受曰須汝驢送柴至內農夫曰我有父母

妻子待此然後食待或作得言待此驢負

今以柴與汝不取直而歸汝尚不肯我有死而已遂毆宦者街吏擒以聞有或或作必或街吏即金吾左右街使詔黜此宦者而賜農夫絹十匹然之屬吏官市亦不為之改易諫官御史數奏疏諫不聽初徐州節度使張建封入朝具奏官市之害上頗嘉納以問戶部侍郎判度支蘇弁弁希宦者意對曰京師游手萬家無一土著生業仰官市取給上信之故凡言官市者皆不聽上初登位禁之至太赦又明禁又貞元中要乳母皆令選寺觀婢以充之而給與其直例多不中選寺觀次當出者賣產業割與地

買之貴有姿貌者以進其徒苦之至是亦禁焉地上與字恐誤或賣產業是本文後改作割地而傳者不去舊文又誤增與字貞元末坊小兒張捕鳥雀於閭里皆為暴橫以取錢物坊四日鷹坊五日狗坊小兒者給役坊者唐時給役者多呼為小兒如苑監小兒飛龍小兒坊小兒是也坊屬宜微至有張羅網於門不許人出入者或有張井上者使不得汲水近之輒曰汝驚供奉鳥雀痛毆之出錢物求謝乃去或相聚飲食於肆醉飽而去賣者或不知就索其直多被毆

罵或時留蛇一囊為質質音致曰此蛇所以致鳥雀而捕之者今雷付汝幸善飼之勿令飢渴賣者愧謝求哀乃攜而去上在春宮時則知其弊常欲奏禁之春或至即位遂推而行之人情大悅乙丑停鹽鐵使進獻舊鹽鐵錢物悉入正庫一助經費其後主此務者稍以時市珍翫時新物充進獻以求恩澤其後益甚歲進錢物謂之羨餘而經入益少至貞元未遂月有獻焉謂之月進至是乃罷遂或作逐

非命右金吾將軍兼中丞田景度持節告哀

於吐蕃以庫部員外熊執易為副一統志吐蕃即今西藏

番也一名鳥思藏其先本羌屬凡百餘種散處河湟江岷間兵部郎中兼

中丞元季方告哀于新羅且冊立新羅嗣王

主客員外郎兼殿中監馬于為副唐書新羅并韓苗裔

也居漢樂浪地橫千里縱三千里東距長人東南日本西百濟北高麗而王居金城環八

百里三月庚午朔出後宮三百人辛未以

翰林待詔王伾為翰林學士壬申以故相

撫州別駕姜公輔為吉州刺史前戶部侍郎

判度支汀州別駕蘇弁為忠州刺史追故相
 忠州刺史陸贄郴州別駕鄭餘慶前京兆尹
 杭州刺史韓臯前諫議大夫道州刺史陽城
 赴京師陸贄貶在貞元十一年陽城貶在十
 四年俱詳後十六年鄭餘慶為中書
 侍郎同平章事與戶部侍郎判度支于願素
 善願所奏事餘慶多勸上從之以上以為朋比
 貶餘慶郴州司馬韓臯為京兆尹十四
 年貶撫州員外司馬未幾徙杭州刺史德宗
 自貞元十年已後不復有赦令左降官雖有
 名德才望以微過忤旨譴逐者一去皆不復
 叙用至是人情大悅而陸贄陽城皆未聞追

詔而卒於遷所士君子憐之

聞下或
有於字

癸酉

出後宮并教坊女妓六百人聽其親戚迎于
 九仙門百姓相聚譁呼大喜景戍詔曰檢
 校司空平章事杜佑可檢校司徒平章事充
 度支并鹽鐵使以浙西觀察李錡為浙西節
 度檢校刑部尚書賜徐州軍額曰武寧制曰
 朕新委元臣綜釐重務爰求貳職固在能臣
 懇居舍人王叔文精識瓌材寡徒少欲質直
 無隱沈澁有謀其忠也盡致君之大方其言

也廷為政之要道凡所詢訪皆合大猷室繼
 前勞佇先新命可度支鹽鐵副使依前翰林
 學士本官賜如故賜如或作餘如初叔文既專內外
 之政與其黨謀曰判度支則國賦在手可以
 厚結諸用事人取兵士心以固其權驟使重
 職人心不服藉杜佑雅有會計之名位重而
 務自全易可制故先令佑主其名而除之為
 副以專之藉史作籍或無之除之疑當作除
 比○范祖禹曰祐以舊相不耻與
 小人共事而為之以戶部尚書判度支王紹
 用其可也夫

為兵部尚書以吏部郎中李鄴為御史中丞
 武元衡為左庶子叔文黨數人貞元末已
 為御史在臺至元衡為中丞薄其人待之鹵
 莽皆有所憾元衡為山陵儀仗使劉禹錫求為判官不許而叔文
 又以元衡在風憲欲使附已使其黨誘以權
 利元衡不為之動叔文怒故有所授 庚寅
 制下或曰字門下侍郎守吏部尚書平章事賈
 耽可檢校司空兼左僕射守門下侍郎平章
 事鄭珣瑜可守吏部尚書守中書侍郎平章

事高郅可守刑部尚書守尚書左丞平章事
奉執諫可守中書侍郎並依前平章事
癸巳詔曰萬國之本屬在元良主器之重歸于
長子所以基社稷而固邦統古之制也廣陵
王某孝友溫恭慈仁忠恕博厚以容物寬明
而愛人祇服訓詞言皆合雅講求典學禮必
從師居有令聞動無違德朕獲纘丕緒祇若
木猷惟懷永圖用建儲貳以承宗廟以奉
盛爰舉舊章俾膺茂典宜冊為皇太子改名

某仍令所司擇日備禮冊命初廣陵王名從
水傍享至冊為皇太子始改從今名上疾久
不愈時
扶御殿羣臣瞻望而已莫有親奏對者中外
危懼思早立太子而叔文之黨欲專大權惡
聞之宦官俱文珍劉光錡薛盈珍皆先朝任
使舊人疾叔文忠言等朋黨專恣乃啓上名
翰林學士鄭絳衛次公李程王涯莫立太子
制時牛昭容輩以廣陵王淳英虞惡之細不
復請書紙為立嫡以長字呈上上
領之癸巳立淳為太子更名純
丁酉吏
部尚書平章事鄭珣瑜稱疾去位其日珣瑜
方與諸相會食於中書故事丞相方食百寮
無敢謁見者叔文是日至中書欲與執諫計

事令直省通執諡直省吏職也以直省中書直諫名直省以舊

事告叔文叱直省直省懼入白執諡執諡遠

巡慙赦赦乃版切與報同竟起迎叔文就其閣語良

久宰相杜佑高郢珣瑜皆停筮以待郢下或有鄭字

有報者云叔文索飯宰相已與之同餐閣中

矣佑郢等心知其不可畏懼叔文執諡莫敢

出言或無不字非是珣瑜獨歎曰吾豈可復居此位

顧左右取馬徑歸遂不起前是左僕射賈耽

以疾歸策未起珣瑜又繼去范祖禹曰賈耽鄭珣瑜為相祿

祿無補然知其不可引疾而去能知二相皆天下重望相次歸臥叔文執諡等益無所顧忌遠近大懼焉

唐韓昌黎外集卷第七終

唐韓昌黎外集卷第八

明橋李蔣之翹輯注

順宗實錄卷第三

起四月 盡八月

夏四月乙巳上御宣政殿

長安志宣政殿在東內宣政門內

冊皇太子冊曰建儲貳者必歸於冢嗣固邦

本者允屬於元良咨爾元子廣陵王某幼挺

岐嶷長標洵淑佩詩禮之明訓宣忠孝之弘

規居惟保和動必循道識達刑政器合溫文

慶敬奉於君親仁德聞於士庶神祇龜筮罔

不協從是用命爾爲皇太子於戲維我烈祖
之有天下也功格上帝祚胤無窮光纘洪業
逮予十葉虔恭寅畏日慎一日付爾以承祧
之重勵爾以主鬯之勤以貞萬國之心以揚
三善之德爾其尊師重傅親賢遠佞非禮勿
踐非義勿行對越天地之耿光丕承祖宗之
休烈可不慎歟時上卽位已久而臣下未有
親奏對者內外盛言王侄王叔文專行斷決
日有異說又屬頻雨皆以爲羣小用事之應

至將開禮之夕雨乃止迨行事之時天氣清
朗有慶雲見識者以爲天意所歸及觀皇太
子儀表班行旣退無不相賀至有感泣者
戊申詔曰惟先王光有天下必正我邦本以
立人極建儲貳以承宗祧所以啓迪大猷安
固洪業斯前代之令典也皇太子某體仁秉
哲恭敬溫文德協元良禮當上嗣朕奉若不
訓憲章前式惟承社稷之重載披春秋之義
授之七鬯以奉粢盛爰以令辰俾膺茂典今

冊禮云畢感慶交懷思與萬方同其惠澤自
 貞元二十一年二月二十四日已後至四月
 九日昧爽已前天下應犯外罪者特降從流
 流已下遞減一等文武常參并州府縣官子
 為父後者賜勲兩轉古之所以教太子必茂
 選師傅以翼輔之法於訓詞而行其典禮左
 右前後固非正人是以教諭而成德也給事
 中陸質中書舍人崔樞積學懿文守經據古
 夙夜講習庶協于中竝充皇太子侍讀陸質初名

淳因避太子名史之按韋執蓋自以專權恐太子不悅故以質為侍讀使潛伺太子意且解之及質發太子怒曰陛下冷先生為寡人解經義取何為預他事質惶懼而出
 下季子順孫先旌表門閭者委所管州縣各
 加存郵 庚戌封皇太子長子寧等六人為
 郡王寧寬宥察褒 癸酉按酉字當作丑贈吐蕃弔
 祭使工部侍郎兼御史大夫史館修撰張薦
 禮部尚書薦字孝舉代居潞州之陸澤祖文
 成博學工文詞性好詠諧七登文學科薦聰
 明強記歷代史傳無不貫通為太師顏真卿

所稱賞遂知名大曆中江東觀察表薦之江
作授左司禦率府兵曹參軍兼史館修撰貞
元初為太常博士四年迴紇求和親使送咸
安公主入迴紇貞元四年回紇合骨咄祿可
咄祿毗伽公主及大臣妻并國相跌跌都督
以下千餘人來迎可敦辭甚恭曰管為兄弟
會為子婿半子也吐番為患子當為父除之
因言辱吐番使者以絕冬十月戊子迴紇至
長安可汗仍表請改迴紇為迴鶻許之庚子
冊命咸安公主加迴鶻可汗長壽天親可汗
十一月以刑部尚書關播為送以薦為判官
咸安公主兼冊迴鶻可汗使

改授殿中侍御史累遷諫議大夫十年冊
迴紇子薦以祕書少監持節為使還久之遷
祕書監貞元十年迴鶻奉誠可汗卒無子
國人立其骨咄祿為可汗骨咄祿本
姓陝跌氏辨慧有勇畧自天親時典兵馬用
事大臣諸酋長皆畏服之既為可汗其姓藥
葛羅氏遣使來告喪自天親可汗以上子孫
幼穉者皆納之闕庭又十月庚寅遣祕書監張
薦冊拜迴鶻可汗骨咄祿為騰里邏
羽錄及密施合胡祿毗伽懷信可汗二十年
吐蕃贊普歿以薦為工部侍郎兼御史大夫
持節弔贈卒於赤嶺東迴紇辟吐蕃傳歸其
群字 柩恐誤前後三使異國自始命至卒常兼史
職在史館二十年著宰輔傳略又服圖記寓

居錄靈怪集等。景寅罷閩中萬安監。先是
 福建觀察柳冕久不遷。欲立事迹以求恩寵。
立或乃奏云閩中南朝放牧之地畜羊馬可
作以使孳息。請置監許之。收境中畜產。令吏牧其
中收或羊大者不過十斤馬之良者佐不過
作牧數千。不經時輒死。又歛百姓苦之。遠近以為
 笑。至是觀察閻濟美奏罷之。丁卯命焚容
 州所進毒藥。可殺人者。可或五月己巳史
戊辰無以杭州刺史韓臯為尚書左丞。左或
五月字

辛未史作文以右金吾大將軍范希朝為
 檢校右僕射兼右神策京西諸城鎮行營兵
 馬節度使。兼右使叔文欲專兵柄。藉希朝年
 老舊將。故用為將帥。使主其名。而尋以其黨
 韓泰為行軍司馬。專其事。主或作在。此與
一討甲戌以度支郎中韓泰守兵部郎中
 兼中丞。充左右神策京西都柵行營兵馬節
 度行軍司馬。賜紫。乙亥追改為檢校兵部
 郎中。職如故。甲申史作以萬年令房啓為

容州刺史兼御史中丞初啓善於叔文之黨
 因相推致遂獲寵於叔文求進用或因無叔文
 以為容管經略使使行約至荆南授之云脫
 不得荆南即與湖南故啓宿留於江陵宿音留
音留。前漢武帝紀宿留。宿留海上注。躊躇停待貌。久之方行至湖南又
 久之而叔文與執諠爭權數有異同故不果
 尋聞皇太子監國啓惶駭奔馳而往是日以
 郴州員外司馬鄭餘慶為尚書左丞是日史作癸未
 乙酉以尚書左丞韓臯為鄂岳觀察武昌

軍節度使以尚下十八字史作以右丞韓臯
為鄂岳沔鄂沔團練觀察使仍日係
甲辰初臯自以前輩舊人累更重任頗以簡
 倨自高嫉叔文之黨謂人曰吾不能事新貴
 人臯從弟擘幸於叔文以告叔文故出之
 辛卯以王叔文為戶部侍郎職如故賜紫初
 叔文欲依前帶翰林學士官者俱文珍等惡
 其專權削去翰林之職叔文見制書大驚謂
 入曰叔文日時至此商量公事若不得此院
 職事即無因而至矣日時猶言日日時王在

曰諾即疏請不從再疏乃許三五日一入翰
 林去學士名又與歸登同日賜紫內出衫笏
 賜登而叔文不霑文珍等所惡獨不得賜按今
 而叔文下數句重複不可讀疑因後來修段
 已增新字而去舊文如前買乳母之例也
 蓋上文已有其俱文珍等惡其專權之句則此
 不當更有文珍等所惡又字有不霑字即不
 當更有獨不得賜四字若并有此九字即上
 不當有不霑字且此文珍等字上亦合更有
 脫字謬誤甚明今當削去文珍等字以
 下九字則語意明白無復可疑矣 由此始
 懼以衢州別駕令狐岍為祕書少監岍國子
 祭酒德棻玄孫進士登第司徒楊綰未達時

遇之以為實為禮部修史引岍入史館自華
 原尉拜拾遺累遷起居舍人大曆八年劉晏
 為吏部尚書奏岍為刑部員外判南曹累遷
 至禮部侍郎岍之判南曹晏為尚書楊炎為
 侍郎岍得晏之舉分闕必擇其善者與晏而
 以惡者與炎炎固已不平至岍為禮部而炎
 為相有杜封者故相鴻漸之子求補弘文生
 炎嘗出杜氏門下託岍以封岍謂使者曰相
 公欲封成其名乞署封名下一字岍因得以

記焉炎不意咄賣之署名屬咄咄明日疏言
 宰相炎迫臣以威臣從之則負陛下不從即
 炎當害臣作即或德宗以問炎炎具道所以德
 宗怒曰此姦人不可奈欲杖而流之炎救解
 乃黜為衡州別駕貞元初李泌為相以左庶
 子史館修撰徵至則與同職孔述睿爭競細
 碎數侵述睿述睿長告以讓不欲爭告或作
告謂長泌卒寶參為相惡其為人貶吉州別
假也駕改吉州刺史齊映除江西觀察過吉州咄

自以前輩懷快快不以刺史禮見入謁從容
 步進不祿首屬戎器或無祿字或映以為恨
 去至府奏咄舉前刺史過失鞠不得真無政
 事不宐臨郡貶衢州別駕上即位以祕書少
 監徵未至卒咄在史館修玄宗實錄一百卷
 撰代宗實錄三十卷雖頗勤苦然多遺漏不
 稱良史初德宗將厚奉元陵事咄時為中書
 舍人兼史職奏疏諫請薄其塋有答詔優獎
 元和三年以脩實錄功追贈工部尚書新史
初咄

受詔撰代宗實錄未就會貶謫聽在外成書
元和中其子太僕丞不獻之以笏贈工部尚
書是月以襄州為襄府按元和郡國志作襄
當有徙臨漢縣於古城曰鄧城縣陽字

唐韓昌黎外集卷第八終

唐韓昌黎外集卷第九

明橋李蔣之翹韓注

順宗實錄卷第四

起六月盡七月

六月乙亥

乙或作巳史亦作巳

貶宣州巡官羊士諤為

汀州寧化縣尉

唐制節度觀察其屬皆有巡官開元二十四年開山洞置

黃連縣天寶元年更名寧化九

士諤性傾躁

時以公事至京遇叔文用事功黨相煽頗不

能平公言其非叔文聞之怒欲下詔斬之執

諛不可則令杖殺之執諛又以為不可遂貶

焉殺史由是叔文始大惡執謚往來二人門

下者皆懼先時劉闢以劍南節度副使將韋

臯之意于叔文求都領劍南三川唐六典凡

皆有支度之使以計軍資糧仗之用將奉也

謂叔文曰太尉使某致微誠於公若與其三

川當以死相助若不用某亦當有以相酬某使

或作使闢與其疑當作叔文怒亦將斬之而

執謚固執不可闢尚遊京師未去至闢士譟

遂逃歸尚下或有以字士或作賊左徵騎

今按士上當別有賊字

常侍致仕張萬福卒萬福魏州元城人也自

曾祖至父皆明經官止縣令州佐萬福以祖

父業儒皆不達不喜書學騎射年十七八從

軍遼東有功為將而還累遷至壽州刺史史

福學騎射從王斛斯以別校征遼東有功李

岷伐劉展署為部將斬首萬級累攝壽州刺

史舒盧壽州送租賦詣京師至潁川界為盜

所奪萬福使輕兵馳入潁川界討之入潁川

州賊不意萬福至必迫不得戰萬福悉聚而

誅之盡得其所亡物并得前後所掠人妻子

財物牛馬萬計悉還其家為淮南節度崔圓所忌失刺史改鴻臚卿以節度副使將兵千人鎮壽州萬福不以為恨許杲以平盧行軍司馬將卒三千人駐濠州不去有窺淮南意圓令萬福攝濠州刺史杲聞即提卒去止當塗陳莊賊陷舒州圓又以萬福為舒州刺史督淮南岸盜賊連破其黨大曆三年名赴京師代宗謂曰聞卿名久欲一識卿且將累卿以許杲萬福拜謝因前曰陛下以許杲名臣

如河北賊諸將叛以屬何人代宗笑曰且欲議許杲事方當大用卿即以爲和州刺史行營防禦使督淮南岸盜賊至州杲懼移軍上元杲至楚州大掠節度使韋元甫命萬福討之未至淮陰杲爲其將康自勤所逐勸或作作勸自勤擁兵繼掠循淮而東擁或作權萬福倍遣追而殺之免者十二三盡得其所虜掠金銀婦女等皆獲致其家女或作人代宗詔以本州兵千五百人防秋京西遂帶和州刺史鎮咸

陽固留宿衛作固或李正己反將斷江淮路令
 兵守埭橋渦口埭音江淮進奉船千餘隻泊
 渦口不敢進德宗以萬福為濠州刺史萬福
 馳至渦口立馬岸上發進奉船淄青將士停
 岸睥睨不敢動諸道繼進改泗州刺史為杜
 亞所忌徵拜左金吾衛將軍名見德宗驚曰
 杜亞言卿昏耄卿乃如是健耶圖形凌煙閣
 數賜酒饌衣服并勅度支籍口畜給其費至
 賀陽城等於延英門外天下益重其名二十

一十年以左散騎常侍致仕元和元年卒元和
賞作貞元年九十萬福自始從軍至卒祿食
 七十年未嘗病一日典九郡皆有惠愛 癸
 丑韋臯上表請皇太子監國又上皇太子踐
 尋而裴垪嚴綬表繼至悉與臯同裴垪詳本
按裴垪時為功員外郎裴均為荆南節度
使宜從詳本○史韋臯上表以為陛下哀毀
成疾重勞萬機故久而未安請權於太子親
監庶政候皇躬痊愈復歸春宮臣位兼將相
今之所陳乃其職分又上太子嚴以為聖上
遠法高宗諒陰不言委政臣下而所附非人
王叔文王伾李忠言之徒輒當重任賞罰任
情隨紀紊綱散府庫之積以賂權門樹置腹

心偏於貴位潛結左右憂在蕭牆竊恐傾太
 宗盛業危殿下家邦願殿下即日奏聞斥逐
 羣小政此人主則四方獲安臯自恃重臣遠
 處西蜀度王叔文不能動搖遂極言其姦佞
 而荆南節度使裴均河東節度使張勳皆
 度使嚴綬表繼至與臯同贈故忠州別駕
 陸贄兵部尚書故道州刺史陽城左常侍
 贄字敬輿吳郡人也史作蘇州嘉興人年十八進士
 及第贄大曆八年及第時年二十又以博學宏詞授鄭縣
 尉書判拔萃授渭南尉遷監察御史未幾選
 為翰林學士遷祠部員外郎德宗幸奉天贄
 隨行在天下搔擾遠近徵發書詔一日數十

下皆出於贄一日或作日直非是贄操筆持紙成於須
 臾不復起艸同職皆拱手嗟嘆不能有所助
 常啓德宗言方今書詔宜痛自引過罪已以
 感人心管成湯以罪已致興後代推以為聖
 人左傳臧文仲曰禹湯罪已其興也勃焉楚王失國亡走一言
 善而復其國至今稱為賢者楚昭王遣闔閭之禮國滅出亡
 父老送之王曰父老反矣何患無君父老曰
 有君如是其賢也相與從之或奔走赴秦號
 哭請救秦人憐之為出兵一下陛下誠能不悛
 國并力遂走吳師昭王復國陛下誠能不悛
 既過以言謝天下臣雖愚陋為詔詞無所忌

韋昌黎集卷九
五
譁庶能令天下叛逆者迴心喻旨德宗從之
故行在制誥始下聞者雖武人悍卒無不揮
涕感激議者咸以為德宗尅平寇難旋復天
位不惟神武成功爪牙宣力蓋以文德廣被
腹心有功焉累遷致功郎中諫議大夫中書
舍人兼翰林學士丁母憂免喪權知兵部侍
郎復入翰林中外屬意且夕矣其為相實參
深忌之贊亦短參之所為且言其黷貨於是
與參不能平尋真拜兵部侍郎知禮部貢舉

於進士中得人為多八年春遷中書侍郎平
章事始令吏部每年集選人舊事吏部每年
集人其後遂三年一置選選人猥至文書多
不了尋勘真偽紛雜吏因得大為姦巧選士
一蹉跌或至十年不得官而官之闕者或累
歲無人贊令吏部分內外官員為三分計闕
集人以為常其弊十去七八天下稱之初竇
參出李異為常州刺史且迫其行異常銜之
至參貶為郴州別駕異適遷湖南觀察德宗

常與參言故相姜公輔罪參漏其語參敗公
輔因上疏自陳其事非臣之過德宗詰之知
參洩其語怒未有所發會異奏汴州節度劉
士寧遺參金帛若干士寧得汴州參處其議
士寧常德之故致厚貶德宗以參得罪而以
武將交結發怒竟致參於死而議者多言參
死由贊焉以武或作與武○司馬溫公云贊
傳曰德宗殺參贊有女馬按贊請
令長舉屬吏狀云亦由私訪所親轉為所賣
其弊非遠聖鑒明知乃解參之語也及參之
死贊解救甚至當時之人見參贊有隙遂以
已意猜之史官不悅者因歸罪於贊事唐小

說云寶參所寵青衣上流者參亦沒入掖庭
因言陸贄誣陷參事德宗乃下詔雪參此說
與舊史同裴延齡判度支天下皆嫉怨而獨幸於
天子朝廷無敢言其短者贊獨身當之日陳
其不可用延齡固欲去贊而代之又知贊之
不與已多阻其奏請也謗毀百端翰林學士
吳通玄故與贊同職姦巧佻薄與贊不相能
知贊與延齡相持有間因盛言贊短宰相趙
璟本贊所引同對嫉贊之權密以贊所戢彈
延齡事告延齡戢通鑑作譏或作彈戢延齡益得

以為計由是天子益信延齡而不直贊竟罷
 贊相以為太子賓客而黜張滂李充等權朱
 日按史滂充皆以論裴延齡得罪此但著黜子
 滂充等而上文不言其所以得罪之由蓋脫也
 漏言事者皆言其屈皆或作多○朱祁曰德
 危難時聽贊謀乃已平追仇盡言怫然以讒在
 倖逐猶棄梗至延齡輩則寵任盤桓不移如
 山昏佞之相濟也世言贊自罷翰林以為與
 吳通玄兄弟爭寵贊參之友贊漏其言非也也
 夫君子小人不兩進邪諂贊固畏懼至為賓也
 客拒門不納交親士友春旱德宗數獵苑中也
 延齡疏言贊等失權怨望言於眾曰天下旱

百姓且流亾度支愛惜不肯給諸軍軍中人
 無所食其事奈何以揮動羣心其意非止欲
 中傷臣而已後數日又獵苑中會神策軍人
 跪馬前云度支不給馬艸德宗意延齡前言
 即迴馬而歸翹嘗詠懷橋李古跡有陸宜公
 相列城隅當年賈諶此其輩何代能無絳灌槍
 徒四壁雲雷懸畫冷中天日月照忠孤經行
 為灑英雄淚竟使遺文畢壯圖說者謂贊以以
 負讒失職滋離竄灰誠可哀憤此特以賈太太
 傳方之蓋千由是貶贊為忠州別駕滂充皆皆
 古確論云云斥逐德宗怒未解贊不可測賴陽城等救乃

止贊之為相常以少年入翰林得幸於天子
長養成就之不敢自愛事之不可者皆爭之
德宗在位久益自攬持機柄親治細事失君
人大體宰相益不得行其事職而議者乃云
由贊而然司馬溫公云凡為宰相者皆欲專
權安肯自求失職不任宰相乃德
宗之失而歸咎於贊豈人情也贊論朝官闕
員狀云頃之輔臣鮮克勝任過蒙容養苟備
職員致勞庸思巨小經慮此乃諫
德宗不在宰相親治細事之詞也贊居忠州
十餘年常閉門不出人人無識面者避謗不
著書習醫方集古今名方為陸氏集驗方五

十卷卒於忠州年五十二上初即位與鄭餘
慶陽城同徵詔始下而城贊皆卒 城字亢

宗北平人史云城定縣北平人徙陝州夏縣代為官族好學

貧不能得書乃求入集賢為書寫吏集賢殿
名唐開

元中置漢魏以來秘書省有其職梁武帝於
文德殿內列藏書北齊有文林館學士後
周有麟趾殿學士皆掌著述隋平陳之後寫
書正副二本藏於宮中煬帝於東都觀文殿
上東西廂貯書自漢延熹至隋唐皆秘書堂
圖籍而禁中之書時或有焉初開元五年於
乾元殿東廊下寫四部書仍於秘書監馬懷
素右騎常侍褚無量總其事於麗正殿為修
書使至十一年學士張說等宴於集仙殿於
是改殿名集賢改修書使為集賢殿書院

竊官書讀之晝夜不出經六年遂無所不通
 乃去滄州中條山下州或作洲非是○史云及進士第乃去隱中條
 山此遠近慕其德行來學者相繼於道閭里
 有爭者不詣官府詣城以決之李泌為相舉
 為諫議大夫拜官不辭未至京師人皆想望
 風來想或作相云城山人能自苦刻不樂名利必
 諫諍或職下咸畏之既至諸諫官紛紛言
 事細碎無不聞達天子益厭苦之子或作非是而
 城方與其一弟牟容連夜痛飲人莫能窺其

意平或作并容或作密一字或作并容有懷
 刺譏之者將造城而問者今按此二句亦衍
 重重複而誤也今當削城揣知其意輒疆與酒
 去去譏之者將四字輒輒上或有客或時先醉伏席上或時先醉臥
 疆與坐字
 客懷中不能聽客語約其二弟云吾所得月
 俸汝可度吾家有幾口月食米當幾何買薪
 菜鹽米凡用幾錢先具之其餘悉以送酒媪
 無去留也未嘗有所貯積雖其所服用切急不
 可關者客稱其物可愛城輒喜舉而授之陳

其者候其始請月俸常往稱其錢帛之美月

叙事歷歷城頗有晉人風味

有獲焉有晉人風味至裴延齡讒毀陸贄

等坐貶黜德宗怒不解在朝無救者城聞而

起曰吾諫官也不可令天子殺無罪之人而

信用姦臣即率拾遺王仲舒數人守延英門

上疏論延齡姦佞贄等無罪狀數人拾遺王仲舒歸登右

補闕熊執易崔郾等延英門延英殿門也按六典宣政殿門西上閣門之西即為延英門

延英殿德宗大怒召宰相入語將加城等

罪良久乃解令宰相諭遣之於是金吾將軍

張萬福聞諫官伏閣諫趨往至延英門大言

賀曰朝廷有直臣天下必太平矣直臣或作直言遂

徧拜城與仲舒等曰諸諫議能如此言事天

下安得不太平也或無字已而連呼太平萬歲

太平萬歲萬福武人時年八十餘自此名重

天下萬福是偉人是奇男子陳仁錫曰如此立朝方獨立不懼時朝夕相

延齡城曰脫以延齡為相當取白麻壞之勸

哭於庭唐故事中書用黃白二麻為綸命輕重之辨其後翰林學士專掌內命

書用黃麻其白皆在翰林院拜授將相德音

被宥則用之宋白曰唐故事白麻皆內庭代

言命輔臣除節將極恤災患計不庭則用之宰
臣於正衙受命若命相之書則通事舍人承
旨皆宣贊訖始下有司翰林志凡鼓書德音
立后建儲行大誅討拜免三公宰相命將日
並使白麻紙不使印雙日日起草候閣門鑰入
而後進呈至雙日百寮並班於宣政殿樞密
使引按自東上閣門出若拜免宰相即便付
通事舍人餘付中書門下並通事舍人宣示
若機務急速亦雙日甚速者雖休暇亦追班
宣示○歐陽脩曰韓退之作爭臣論以譏陽
城不能極諫卒以諫顯人皆謂城之不諫蓋
有待而然退之不識而安譏脩獨以為不然
當退之作論時城為諫議已五年復丁年始
廷論陸贄及沮延齡作相欲裂其麻纜兩事
爾當德宗時可謂多事付受失定畔將強臣
羅列天下又多猜忌信任小人於此之時
無一事可言而需七年耶當時之事豈無急
於延齡陸贄兩事者謂宥朝拜官而冬奏疏

也而為諫官七年適遇兩事一諫而罷以塞
其責向使止五年六年而遂遷司業是終無
一言而去也何所取哉范祖禹曰論者或議
城以在職久而不言贄若不貶則無所成其
名矣是不然城有以待而為者也遇裴延齡為
相救陸贄將成終身廢矣無所憾自古處
下之有益於國如城者鮮矣後世猶
責之無已其不成人之美亦甚哉 竟坐延
齡事改國子司業至引諸生告之曰凡學者
所以學為忠與孝也諸生寧有久不省其親
乎明日謁城歸養者二十餘人有薛約者嘗
學於城狂躁以言事得罪將徙連州客寄無
根帶吏縱求得城家 縱當作 坐吏於門與約

飲決別涕泣送之郊外德宗聞之以城為黨
 罪人出為道州刺史太學生魯郡李儻等二
 百七十人詣闕乞留住數日吏遮止之疏不
 得上遺慶碑作百六十人儻一作儻○史云
城既行太學生皆涕泣立石紀德按太學生
 生乞留其姓名可致又有廬江何蕃云在
 州以家人禮待吏人宥罰者罰之宥賞者賞
 之一不以簿書介意賦稅不登賦稅或作稅賦觀察
 使數請讓上破功第城自署第曰撫字心勞
 徵科政拙致下下觀察使嘗使判官督其賦

至州怪城不出迎以問州吏吏曰刺史聞判
 官來以為已有罪自囚於獄不敢出判官大
 驚馳入謁城於獄曰使君何罪某奉命來候
 安否耳留一兩日未去城固不復歸館門外
 有故門扇橫地城晝夜坐臥其上判官不自
 安辭去其後又遣他判官崔某往按之崔承
 命不辭載妻子一行中道而逃按或作
 或非是城希
 友不忍與其弟異處皆不娶給侍終身有寡
 妹依城以居有生年四十餘癡不能如人常

與弟負之以遊生或作規或作男初城之妹

夫公在他處家貧不能葬城親與其弟昇尸

以歸葬於其居之側往返千餘里卒時年六

十餘史作三年戊午以戶部侍郎潘孟陽為

度支鹽鐵轉運副使其日王侂詐稱疾自免

自叔文歸弟侂日詣中人并杜佑請起叔文

為相且總北軍既不得請以威遠軍使平章

事據舊郭子儀傳肅宗上元元年以子儀為

諸道兵馬都統令帥英武威遠等禁軍及則威遠軍肅宗置也至德宗時以左右威遠

營營隸鴻臚賈耽以鴻臚卿兼威遠軍使至元

和二年勅左右威遠營置來已久著在國章

其英武軍併入左右威遠營其又不得其黨

皆憂悸不自保侂至其日坐翰林中疏三上

不報知事不濟行且臥至夜忽叫日侂中風

矣明日遂與歸不出戊子以禮部侍郎權

德輿為戶部侍郎以倉部郎中判度支陳諫

為河中少尹侂叔文之黨於是始去乙未

詔軍國政事宜權令皇太子某句當句當古

浪百辟羣后中外庶僚悉心輔翼以底于理

宣布朕意咸使知聞上自初卽位則疾患不能言至四月益甚時扶坐殿羣臣望拜而已未嘗有進見者天下事皆專斷於叔文而李忠言王伾爲之內主執諛行之於外芻蕘諱榮辱進退生於造次惟其所欲不拘程度既知內外厭毒慮見摧敗卽謀兵權欲以自固而人情益疑懼不測其所爲朝夕伺候會其與執諛交惡心腹內離外有韋臯裴垍嚴綬等戕表垍當而中官劉先奇俱文珍薛盈

珍尙解玉等皆先朝任使舊人同心怨猜屢以啓上上固已厭倦萬機惡叔文等至是遂名翰林學士鄭絀衛次公王涯等入至德殿撰制詔而發命焉詔或作詔又下制以太常卿杜黃裳爲門下侍郎左金吾衛大將軍袁滋爲中書侍郎並平章事又下制吏部尙書平章事鄭珣瑜刑部尙書平章事高郢並守本官罷相皇太子見百寮於東朝唐六典大明宮兩閣左曰翔鸞翔鸞閣下爲東朝右曰棲鳳棲鳳閣下爲西朝百僚拜賀

皇太子泣泣不答拜景申詔宰臣告天地

社稷皇太子見四方使於麟德殿西亭麟德殿在

東內仙居殿西北此殿三四面故亦名三殿

唐韓昌黎外集卷第九終

唐韓昌黎外集卷第十

明橋李蔣之翹韓注

順宗實錄卷第五

起八月盡至山陵

八月庚子詔曰惟皇夫祐命烈祖誕受方國

九聖儲祉萬方咸休九聖謂高祖太宗高宗中宗肅宗玄宗肅宗德

也肆予一人獲續丕業嚴恭守位不遑暇逸宗或作給

今從而天祐匪降匪史疾恙無瘳無或

將何以奉宗廟之靈展郊禋之禮疇咨

庶尹對越上玄內愧于朕心上畏于天命夙

夜祇慄惟懷永圖惟懷史作深惟一日萬幾不可以

久曠天工人代不可以久建皇太子某睿哲

溫文寬和慈惠慈史作仁孝友之德愛敬之誠愛敬

或作敬愛或作仁愛今从史通于神明格于上下是用推

皇主至公之遺遵父子傳歸之制付之重器

以撫兆人必能宣祖宗之重光荷天地之休

命奉若成憲永綏四方室令皇太子即皇帝

位朕稱太上皇居興慶宮興慶宮唐南內宮也六興京城東南

角坊名隆慶中有明皇為諸王職故宅宅臨大池即龍池池中有龍堂開元二年以宅為

宮既取坊名以為宮名而帝之二名其一為隆故改為興慶宮又取永嘉坊勝業坊之半而增廣之以在太極宮東南故謂之南內制勅稱誥所司擇日行冊禮

永貞元年八月辛丑太上皇居興慶宮誥曰

有天下者傳歸於子前王之制也欽若大典

斯為至公式揚耿光用體文德朕獲奉宗廟

臨御萬方降疾不瘳庶政多闕乃命元子代

予守邦爰以令辰光膺冊禮宜以今日

冊皇帝於宣政殿德宗大行在賓上皇在興慶宮故憲宗不敢於前殿

也即位也仍命檢校司徒杜佑充冊使門下侍郎
 杜黃裳充副使仍命下二十一字史無國有太命恩俾
 惟新寔因紀元之慶用覃在宥之澤寔改貞
 元二十一年為永貞元年自貞元二十一年
 八月五日昧爽已前天下應犯姦罪特降從
 濼濼已下遞減一等又下詔曰人倫之本
 王化之先爰舉令圖允資內輔式表后妃之
 德俾形邦國之風茲禮經之大典也禮古者
天子后
立六宮三夫人九嬪二十七世婦
八十一御妻以聽天下之內治良姊王氏

家承茂族德冠中宮雅修彤管之規克佩姬
 師之訓五經要義古者后夫人必有女史彤
管之法后妃羣妾以禮御於君所女
史書其環以進退之婚禮注婦人又十七無
子出而不復嫁能以婦道教人者為姆自
 服勤蘋藻祇奉宗祧詩于以采蘋南澗之濱
于以采藻于彼行潦言
采之以下奉令範益彰母儀斯著後漢郭皇后
紀好禮節儉
祭祀也有母儀有母儀宣正長秋之位以明繼體之尊漢百
官表
之大長秋注秋者秋成之時長者恒久之
義故以為皇后官各景帝時置皇后后卿也良
 媛董氏備位後庭素稱淑慎進升號位禮亦
 宣之號位或
作位號良姊可冊為太上皇后良媛宣

冊為太上皇德妃仍令所司備禮擇日冊命
宣示中外咸使知聞 壬寅制王伍開州司
馬王叔文渝州司戶金員外置馳驛發遣舊志
開州京師西南一千四百六十里渝州京師西南二千七百四十八里叔文越
州人以基入東宮頗自言讀書知理道乘間
常言人間疾苦上將大論宮市事叔文說中
上意遂有寵因為上言某可為將某可為相
幸異日用之密結韋執誼并有當時名欲僥
倖而速進者陸質呂溫李景儉韓曄韓泰陳

諫劉禹錫柳宗元等十數人定為來交而交
準程异等又因其黨而進交遊蹤跡詭秘莫
有知其端者陸贄初名淳嘗為左司郎中已見前呂溫渭之子時為左拾遺
李景儉瑀之孫進士及第韓曄混之族子陳諫嘗為侍御史柳宗元劉禹錫時為監察御史○陳仁錫曰此真敗種也賢者而求速進與鄙夫皆無所不至矣 貞元十九
年補闕張正買疏諫他事得名見正買與王
仲舒劉伯芻裴直常仲孺呂洞相善數遊止
按張正買德宗實錄作張正通鑑從之史王仲舒下更有韋成季三字今謹下文有成季字則此處當有此三字正買得名見諸往來
字亦脫漏也 藎昌多切

者皆往賀之有與之不善者告叔文執諛云
正買疏似論君朋黨事諛少誠執諛叔文信
之執諛嘗為翰林學士父歿罷官此時雖為
散官以恩時時召入問外事執諛因言成季
等朋讎聚遊無度皆讎斥之人莫知其由叔
文既得志與王伾李忠言等專斷外事遂首
用韋執諛為相其常所交結相次拔擢至一
日除數人日夜羣聚常或作嘗一伾以侍書
幸寢隘吳詔上所褻狎而叔文頗任事自許

微知文義好言事上以故稍敬之不得如伾
出入無阻叔文入至翰林而伾入至柿林院
見李忠言牛昭容等故各有所主昭容婦官名九嬪之
一漢武帝所置唐因之伾主往來傳授劉禹錫陳諫韓
擘韓泰柳宗元房啓凌準等主謀議唱和採
聽外事上疾久不瘳內外皆欲上早定太子
位叔文默不發議已立太子天下喜而叔文
獨有憂色喜上或常吟杜甫題諸葛亮廟詩
未旬云出師未用身先歿長使英雄淚滿襟

因歐欵潦涕聞者咸竊笑之按杜詩用作雞
 判兩使事未嘗以簿書為意日引其黨屏人
 切切細語謀奪官者兵以制四海之命既令
 范希朝韓泰總統京西諸城鎮行營兵馬中
 人尚未悟會邊上諸將各以狀辭中尉且言
 方屬希朝中人始悟兵柄為叔文所奪乃大
 怒曰從其謀吾屬必死其手密令其使歸告
 諸將曰無以兵屬人希朝至奉天諸將無至
 者韓泰白叔文計無所出唯曰奈何奈何無

幾而毋成執諛益不用其語叔文怒與其黨
 日夜謀起復起復必先斬執諛而盡誅不附
 已者聞者皆恟懼皇太子既監國遂逐之剛
 年乃殺之任杭州人病歿遷所其黨皆斥逐
 叔文最所賢重者李景儉而最所謂奇才者
 呂溫叔文用事時景儉持母喪在東都而呂
 溫使吐蕃半歲至叔文敗方歸故二人皆不
 得用叔文敗後數月乃貶執諛為崖州司馬
 後二年病歿海上執諛杜黃裳子培與黃裳

同在相位故最在後貶執諫進士對策高

等執諫京兆人建中三年中進士第貞元元年中賢良方正直言極諫第一一人驟

遷拾遺年二十餘入翰林巧惠便辟媚幸於

德宗而性貪婪詭賊其從祖兄夏卿為吏部

侍郎執諫為翰林學士受貶為人求科策夏

卿不應乃探出懷中金以內夏卿袖夏卿驚

曰吾與卿賴先人德致名位幸各已達豈可

如此自毀壞擺袖引身而去執諫大慙恨已

作以既而為叔文所引用初不敢負叔文迫公

議時時有異同輒令人謝叔文云非敢負約

為異同蓋欲曲成兄弟爾約或作終非是叔

文不之信遂成仇怨然叔文敗執諫亦自失

形勢知禍且至雖尚為相常不自得長奄奄

無氣聞人行聲輒惶悸失色以至敗死特纒

四十餘執諫自卑嘗諱不言嶺南州縣名為

郎官時嘗與同舍郎詣職方觀圖每至嶺南

圖執諫皆命去之閉目不視至拜相還所坐

堂北壁有圖不就脊七八日試就觀之乃崖

州圖也以為不祥甚惡之憚不能出口至貶

果得崖州焉一統志崖州縣名唐張州今屬廣東瓊州府

永貞二年正月景戌朔戊史作寅下同太上皇於興

慶宮受朝賀皇帝率百僚奉上帝尊號曰應乾

聖壽太上皇冊文曰維永貞二年元非是歲

次景戌正月景戌朔皇帝臣某稽首再拜奉

冊言臣聞上聖玄邈獨超乎希夷疆名之極

猶存乎罔象疆或作非是豈足以表無為之德光

不宰之功然稱謂所施簡冊攸著涵泳道德

感於精誠仰奉洪徽有以自竭伏惟太上皇

帝陛下道繼玄元業纘皇極膺千載之休膺

承九聖之耿光昭宣化源發揚大號政有敦

本示儉慶裕格天政有疑字思翔春風仁育羣

品而功成不處褰裳去之付神器於沖人想

汾陽以高蹈體堯之德與神同符其動也天

其靜也地巍巍事表無得而言顧茲寡昧屬

膺大寶懼忝傳歸之業莫申繼述之志夙夜

兢畏惟懷永圖今天下幸安皆睿訓所被而

未極徽號孰報君親是以台臣庶官文武之
矧抗疏於內方伯藩守億兆之衆同詞於外
請因壽曆以播鴻名臣不勝大願謹上尊號
曰應乾聖壽太上皇當三朝獻壽之辰應不
紀啓元之始前漢孔光傳正月一日為三朝
謂族之朝月之朝日之朝書又
紀一日歲二日月三日
日四日星辰五日曆數光膺徽稱允協神休
斯天下之慶也

元和元年正月甲申太上皇崩于興慶宮咸
寧殿年四十六遺詔曰朕聞死生者物之大

歸脩短者人之常分問或作觀古先哲主明於至
道莫不知其終以存義順其變以節哀故存
者不至於傷生逝者不至於甚痛謂之達理
以貫通喪朕自弱齡卽敦清靜達乎近歲又
嬰沈痼嘗亦親政益倦于勤以皇帝天資仁
孝日躋聖敬爰釋重負委之康濟而能內睦
于九族外勤于萬機問寢益嚴侍膳無曠推
此至德以安庶邦朕之知子無愧天下今朕
疾大漸不寤不與付託得人願復何恨四海

兆庶亦奚所哀但聖人大孝在乎善繼樞務
之重軍國之殷續而承之不可翫闕以日易
月抑惟舊章皇帝定三日而聽政十三日小
祥二十五日大祥二十七日釋服又或作方
鎮岳牧不用離任赴哀天下吏人誥至後出
臨三日皆釋服無禁婚嫁祠祀飲酒食肉宮
中當臨者朝脯各十五舉音非朝脯臨時禁
無得哭釋服之後勿禁樂他不在誥中者皆
以類從事伏以崇陵仙寢復土纔終旬邑瘞

人休功未幾今又重勞營奉朕所哀矜況漢
魏二文皆著遺令永言景行常志夙心其山
陵制度務從儉約並不用以金銀錦綵為飾
百辟卿士同力盡忠克申送往之哀宜展事
居之禮居或作君非是布告天下明知朕懷 七月
壬申葬豐陵豐陵在京兆富平縣東二十里
謚曰至德大聖大安孝皇帝廟曰順宗

